



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

II, K. Gradaševića 54, 76 250 Gradačac, telefon 035-369-770 i 369-771, e-mail: ope.grad@bih.net.ba, www.gradacac.ba

OPĆINSKO VIJEĆE

Na osnovu člana 10. stav 3. Zakona o porezu na promet nepokretnosti i prava („Službene novine TK“, br. 11/01, 13/01 i 13/03), člana 24. Statuta Općine Gradačac ("Službeni glasnik Općine Gradačac" broj: 4/08, 5/12 i 1/17) i Odluke o utvrđivanju kriterija za imenovanje članova Komisije za utvrđivanje prometne vrijednosti nepokretnosti i prava ("Službeni glasnik Općine Gradačac" broj 8/17) Općinsko vijeće Gradačac, na __ radnoj sjednici održanoj dana _____ 2017. godine, d o n o s i

ODLUKU

o raspisivanju Javnog oglasa za imenovanje članova Komisije za utvrđivanje prometne vrijednosti nepokretnosti i prava

Član 1.

Raspisuje se Javni oglas za imenovanje 9 (devet) članova Komisije za utvrđivanje prometne vrijednosti nepokretnosti i prava.

Član 2.

Tekst Javnog oglasa i postupak javnog oglašavanja provest će Komisija za izbore i imenovanja Općinskog vijeća Gradačac (u daljem tekstu: Komisija za izbore i imenovanja).

Član 3.

Komisija za izbore i imenovanja će po zaključenju Javnog oglasa izvršiti klasifikaciju kandidata, sa kandidatima koji budu ispunjavali uslove Javnog oglasa obaviti intervju, sačiniti rang listu i pripremiti prijedlog rješenja o imenovanju i dostaviti Općinskom vijeću Gradačac na odlučivanje.

Član 4.

Javni oglas iz prethodnog člana objavit će na web stranici i oglasnoj ploči Općine Gradačac.

Član 5.

Ova Odluka supa na snagu danom donošenja i biti će objavljena u "Službenom glasniku Općine Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -**

Broj:01-05- /17
Datum: 2017. godine
G r a d a č a c

**PREDSJEDAVAJUĆI
OPĆINSKOG VIJEĆA**

Šakić Enir, prof.

Obrazloženje

Na 23. sjednici Komisije za izbore i imenovanja održanoj 21.02.2018. godine usvojen je zaključak da se pokrene procedura vezano za imenovanje članova Komisije za utvrđivanje prometne vrijednosti nepokretnosti i prava u skladu sa Odlukom Općinskog vijeća o utvrđivanju kriterija za imenovanje članova Komisije za utvrđivanje prometne vrijednosti nepokretnosti i prava ("Službeni glasnik Općine Gradačac", broj 8/17).

Komisija je također zaključila da se, do okončanja procedure izbora po ovoj Odluci, Općinskom vijeću predloži Rješenje o imenovanju članova Komisije za utvrđivanje prometne vrijednosti nepokretnosti i prava do okončanja procedure po javnom oglasu a najduže do 90 dana od dana imenovanja, kako ne bi bio doveden u pitanje rad Komisije.

**Komisija
za izbore i imenovanja**

21.

Član 7.

Na osnovu člana 10. stav 3. Zakona o porezu na promet nepokretnosti i prava ("Sl. novine TK", br. 11/01, 13/01 i 13/03) i člana 24. Statuta Općine Gradačac ("Sl. glasnik Općine Gradačac", br. 4/08, 5/12 i 1/17), Općinsko vijeće Gradačac, na 7. sjednici održanoj 05.09. 2017. godine, donosi

ODLUKU

O utvrđivanju kriterija za imenovanje članova Komisije za utvrđivanje prometne vrijednosti nepokretnosti i prava

Član 1.

Komisija za utvrđivanje prometne vrijednosti nepokretnosti i prava sastoji se od 9 (devet) članova.

Član 2.

Članove Komisije iz člana 1. ove Odluke imenuje Općinsko vijeće, na mandatni period od dvije godine.

Član 3.

Predsjednik i zamjenik predsjednika Komisije treba da posjeduju VII stepen stručne spreme, ili najmanje 240 ECTS bodova, a ostali članovi najmanje SSS.

Pored uslova iz stava 1. ovog člana za člana Komisije ne može se imenovati lice protiv koga se vodi krivični postupak i lice koje je kažnjavano za krivično djelo za poslove iz nadležnosti Komisije i zanimanja koje posjeduje.

Član 4.

Komisija za izbore i imenovanja, sa liste kandidata utvrđuje Prijedlog Rješenja o imenovanju predsjednika, zamjenika i članova Komisije i dostavlja ga, zajedno sa listom svih prijavljenih, Vijeću na razmatranje i usvajanje.

Član 5.

Zadatak Komisije je da u smislu člana 10. Zakona o porezu na promet nepokretnosti i prava utvrđuje prometnu vrijednost nepokretnosti.

Komisija se obavezuje da sačini Poslovnik o radu, koji treba da sadrži način rada Komisije za utvrđivanje prometne vrijednosti nepokretnosti i prava.

Član 6.

Stručne i administrativne poslove za Komisiju obavlja Poreska ispostava Gradačac.

Komisija je obavezna da o svom radu Općinskom vijeću Gradačac podnosi pismeni izvještaj najmanje jedanput godišnje.

Član 8.

Ova Odluka stupa na snagu danom objavljivanja u «Službenom glasniku Općine Gradačac».

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-Općinsko vijeće -**

Broj: 01-05-297 /2017
Datum: 05.09.2017.god.
G r a d a č a c

**PREDSJEDAVAJUĆI
OPĆINSKOG VIJEĆA
Šakić Enir, prof., s.r.**

22.

Na osnovu člana 7. Zakona o ministarskim, vladinim i drugim imenovanjima F BiH ("Službene novine F BiH" broj: 34/03 i 65/13), na prijedlog Komisije za izbore i imenovanja Općinskog vijeća Gradačac, Općinsko vijeće, na 7. sjednici održanoj dana 05.09. 2017. godine, donosi

**KRITERIJE I STANDARDE
za izbor i ocjenjivanje kandidata koji će se
prijaviti na javni oglas za izbor članova
nadzornih odbora u javnim preduzećima na
općini Gradačac, ispred osnivača**

Član 1.

U postupku izbora kandidata na pozicije članova nadzornih odbora u javnim preduzećima na općini Gradačac primjenjivat će se opći kriteriji i standardi za izbor i ocjenjivanje.

Član 2.

Opći kriteriji koje kandidat treba ispunjavati su:

- da je državljanin BiH
- da je stariji od 18 godina
- da je zdravstveno sposoban za obavljanje poslova na koje se kandiduje

